

2017/73 172.950.

mm

100

N

ATJEH DAN PERISTIWA



Oleh HARISSAH

"SEUNAMBOT" (Kongres MPPMA-)

Alhamdulillah limpah ngon leubéh,
Teubuka tarééh gilang-gumilang ;
Atueh usaha pemuda Atjeh :
Djipeugét Kongres di kuta Medan.

I.P.T.R. njang leupah gigéh,
Djibri pupaléh teupat meusidang ;
Djibri lom kantö dji-atö Kongres :
Habéh djiriséh ureung atasan.

Di Peumeurintah geu papah Kongres,
Di urueng Atjeh geubri dukungan ;
Kawöm saudaga njata han geuwéh :
Blaja Kongres geubri lé gobnjan.

Ureung geu uroh ban saboh Atjéh,
Undang bak Kongres inong ngon agam ;
Uluwa nanggroë sampoë geutjukéh :
Pat2 na Atjeh geubri undangan.

Allah jarabbi neubri beu djadéh,
Beulansöng Kongres di kuta Medan ;
Saléh na bagi rakjat di Atjeh :
'Oh habéh Kongres teuka badjikan.

Tatrön haj kawöm takundjöng Kongres,
Mangat tabahéh soal satuan ;
Beu-ék bersatu sibudju 'Atjeh :
Békna peuë daléh wahé e rakan.

Békna sjok haté saré na daléh,
Kureung ngon leubéh tamita djalan ;
Rakan boh haté piké keu Atjeh :
Leuthat ka teupéh sahbat ngon taulan.

Lethat ka maté boh beudé tjukéh,
Dumna ka 'aléh dalam tutöpan ;
Ingat sjéedara keubangsa Atjeh :
Kalhée thön leubéh dalam sösahan.

Tanjoë na mantong pakon tatém wéh,
Peu-aman Atjeh tamita djalan ;
Tasumbang djasa ta bila Atjeh ;
Bekna peuë daléh putéh ngon hitam.

'Ohnoë rakan beih lön samböt Kongres,
Tuhan bri djadéh usaha rakan ;
Amin ja Allah limpah keu Atjeh :
Rachmat njang leubéh uroë ngon malam.

HARISSAH MEDAN.



Atjeh

134 242 181

„Sepatah Kata“

dan

Peristiwa

(DALAM BAHASA ATJEH)

Mudah2an dalam penerbitan djilid ke 1 buku „Atjeh dan Peristiwa“ dalam bentuk sadjak daerah akan mampoa manfaat yang berguna dalam usaha penulis untuk memberi pencerahan yang benar kepada rakyat setan pat atas segala kejahatan yang dilakukan oleh Belanda yang selalu terganggu hak pengarang dibelindung

Apa dasar dan tujuan Undang-Undang N.1 yang dikeluarkan oleh daerah Atjeh penulis akan menyampaikan kepada D. Beureueh cs. menjadi tetap angkat senjata terhadap Pemerintah R.I. dan mengebiri benjak manusia terutama Djilid I dianggap penghalang terdapat ijin2 ingin tetap berkuasa maka selanjutnya mendirikan negara baru yang dinamakan Darul Islam. Tjetakan pertama

Dengan berpengalkan agama suci Islam itu yang menjadi dasar di daerah Atjeh, maka D. Beureueh cs. hampir saja berhasil menipu apa yang diinginkan sebelum peristiwa 20 September 1953, terjadi. Sekali lagi mudah2an buku ketjil ini berguna bagi penerbitan kepada djilid2 yang djauh dipedarkan daerah Atjeh. Sekianlah

Penulis,

Medan, 1956

oleh :

HARISSAH – MEDAN.

Hak pengarang diperindungi
oleh Undang2 N.R.I.

„Sepatah Kata“

Harapan penulis dengan penerbitan buku ketjil ini jang bernama "Atjeh dan Peristiwa" dapat kiranya chalajak ramai terutama masjarakat Atjeh penggemar2 sjair jang umumnja kini sangat sedikit sekali mendapat penerangan tentang peristiwa2 berdarah jang sudah dua kali terdjadi di-bumi tanah rentjong ini oleh hasut-hasutan D. Beureueh cs. jang selalu memfitnah orang seseorang dengan menggunakan agama Allah untuk mentjapai tudjuannja dengan merusakkan persatuan bangsa dan tanah air Indonesia Raja.-

Mudah2an dalam penerbitan djilid ke I. Buku "Atjeh dan Peristiwa" dalam bentuk sadjak daerah akan memberi manfaat jang berguna dalam usaha penulis untuk memberi penerangan jang benar kepada rakjat setempat atas segala kedjadian jang merupakan tragedi nasional didaerah2 jang selalu terganggu keamanan akibat2 gerakan illegal jang dipelopori oleh tokoh2 nasional jang telah sesat diseluruh nusantara.-

Apa dasar dan tudjuan pemberontakan D. Beureueh c.s. di daerah Atjeh penulis akan mengupas latar belakang jang menjebabkan D. Beureueh cs. mendjadi kalap angkat sendjata terhadap Pemerintah R.I. dan menjembelih banjak manusia terutama rakjat jang dianggap penghalang terudjutnja tjita2 ingin tetap berkuasa, maka selandjutnja mendirikan negara apa jang dinamakan Darul Islam.

Dengan bertopengkan agama suci Islam itu jang mendjadi ikutan rakjat didaerah Atjeh, maka D. Beureueh cs. hampir sadja berhasil membuat apa jang diinginkan sebelum peristiwa 20 September 1953, terdjadi.-

Sekali lagi mudah2an buku ketjil ini berguna bagi penerangan rakjat didesa2 jang djauh dipedalaman daerah Atjeh.-

Sekianlah.-

Penulis,

Medan, 1956.

"SALEUM PEU-NEU-ET"

Assalam alaikôm kawôm diteumpat,
Waréh ngon sahbat murit ngon teungku,
Saleum sirangkôm keunoë lôn intat :
Beulimpah rachmat nibak Tuhanku.

Bak siseun siblét lôn peu-ét surat,
Bak tréb2 siat lôn karang buku ;
Tanda lôn gaséh waréh diteumpat :
Rakanngon sahbat sinoë di leupu.

Kirém u gampong siôn riselat,
Habaran mangat dum asoë buku ;
Allah dék pajông tanglông hekeumat :
Napsu lôn bi-at haba prang teungku.

Peristiwa Atjeh sahéh ta ingat,
Seubab le rakjat maté teudu-du ;
Kureung ngon leubéh saléh pi mangat :
Haba peu ingat bak lôn sigeutu.

Sidéh ngon sinoë djinoë lôn bi-at,
Bubé teu ingat njangka deuh ta-eu ;
Dalam djilét njoé bangoë ngon mangat :
Gadoh keuramat hantu beuru-ru.

Tabatja keudroé adoé ljut ubat,
Lô n bôh ibarat meudjampu-djampu ;
Meuseuë ban ureung sakét lam djasad :
Rata djeub urat djipeu-ék ngilu.

Njo sakét asoë seungkoë lam djasad,
Pakri ban dapat tameu peu laku ;
'Oh leuh tamanoë dji teuka sihat :
Teuploh ngon urat tuleung njang ngilu.

Atjeh njoë ka tréb sakét lam urat,
Timu ngon Barat djidoeëk beuru-ru ;
'Oh kaseb saket geu peu-ét ubat :
Ureung njang kuat Sjamaun Gaharun

Ubat pi katrös tuböh pi mangät,
Saleh mudjarab Waja Tuhan Ku ;
Saléh geupadjöh ka trös geupeu-ab :
Bék lé meungab-ngab hantu beulawu.

Meunan keuh misé kandé meukilat,
Piké beuteupat tjahja panjot Hu ;
'Oh karab mate teuka lé ubat :
'Oh séb meularat dji teuka makmu.

Meunan tjit Atjeh saléh katök hat,
Bak dali adat wahé tjut meulu ;
Lahé bak dali Tuhan bri rachmat :
Ngon döa rakjat barat ngon timu.

Ngon döa waréh sidéh diteumpat,
Deungon beureukat Sjiah lam kubu ;
Tuhan bri Atjeh leubéh keuramat :
Nanggroë ngon rakjat sabé lam makmu.

Atjeh njang sakét wadjéb na ubat,
Supaja sihat barat ngon timu ;
Bek lé meuréb-réb peunjakit kurab :
Ta gusok ubat haj rakan ladju.

Meunan misalan intan malakat,
Dilée seu-um that djinoë ka paju ;
Dilée meuguntjang sang2 kiamat :
Djinoë ka mangat seun2 sigitu.

Bak dali ta-eu Timu ngon Barat,
Raja that nékmat Ilahön Gafu ;
Bak dali umu hana mée meuhat ;
Bak dali adat katrös waktu.

Aché Atjeh njoë ureung droë teuh mat,
Soë2 chianat patöt ta heundru ;
Wadjéb haj adoë taloë ta sambat ;
Djeu-öh deungon rab ta tulông bantu.

Tamsé rimung buh ka keunong ubat,
njang le keumeukab njang hana meusu ;
Njang kaém meusu hana meë meuhat ;
Wateé ta peurab tan lé djiganggu.

Keumang dalam ön sikuntöm riwat,
Haröm bée mangat si bungong meulu ;
Allahu rabbön Tuhan lön Kudrat :
Neutjok meularat Barat ngon Timu.

Amin ja Allah limpah sjöfeu-at,
'Ohnoë risalat bak lön seugitu ;
Beupanjang umu asoë beumangat ;
Umat Muhamad patông Tuhanku.

'Ohnoë sirangköm saleum lön intat,
Allahu samad njang peutrös napsu ;
Kadang na ladöm baréh meulumpat ;
Meuaf beu le that keulön haj teungku.

HARRISSAH

"SALEUM SEUNAMBOT"

Alhamdulillah limpah beureukat,
Sambôt hikajat Atjeh Pristiwa ;
Pristiwa Atjeh leubéh gob minat :
Do-a seulamät keu ureung rika.

Beupanjang umu asoë beumangat,
Donja achirat Neubri sidjahtra ;
Sipatah haba tanda lön minat :
Limpah sjöfeu-at lön lakée dö-a.

Beu-ék Tuhan bri tinggi hêkeumat,
Beuleubéh teupat kasad lam dada ;
Beudjeut keusuri waréh ngon sahbat :
Meunan lön harap bak ureung rika.

Tanda lön gaséh chaléh lam djasad,
Keu ureung surat sidjarah bangsa ;
Saleum seunambôt patôt lön intat :
Tanda mupakat haté lam dada.

Rindu lam haté lahé lam surat,
Haba seunambat jöh saboh masa ;
Pristiwa Atjeh sahéh ka meupat :
Haba pi mangat lahé ngon njata.

Bandum ka meuri pantjuri kitab,
Kamôm chianat lawan Negara ;
Kawôm wak hadji njang taki rakjat :
Puliték djahat dalam rahsia.

Sinoë ngon sidéh habéh tatupat,
Bukon ta surat njang hana2 ;
Teungku Bureuéh saheh kasilap,
Gubeih meuseuhab Sukarno-Hatta.

Kartosuwirjo ka geumeukiblat,
Di Djawa Barat Imum negara ;
Inodonesia tanlé geuharap :
Djikeuneuk djungkat nangroë Merdeka.

Nibak djipiké asé djisunglap,
Djihatut rakjat lawan negara ;
Ureung njang djahé aché meularat :
Soë2 chianat kutôk rabbana.

Ureung njang deungki neubri mureutat,
Donja achirat sabé lam bahja ;
Allah jarabi neubri beurakat :
Keu ureung surat hikajat beuna.

Seubab narit njoë bagoë adjeumat,
Haba amanat kawôm ngon bangsa ;
Mangat ta susoë-soë2 chianat :
Mangat ta ingat singoh ngon lusa.

Meunan meusjeurut batjut lôn biat,
Kaum chianat di aché masa ;
oreung ka bulut di hasut rakjat :
Njang djeut lôn biat supaja njata.

Barat ngon Timu ta-au djeub teumpat,
Djihatut rakjat mita kuasa ;
Raja that napsu teungku keu pangkat :
Njang djeut geukarat lawan negara.

Keubit that utôh teungku bôh radat,
Hasé djipakat rakjat djeulata ;
Rajat tan djithée gurée ka silap :
Le pueë geuharap ohna kuasa.

Habéh dji sihé saré dji sunglap,
Timu ngon Barat djiba peusuna;
Hana dji piké aché meularat:
Hana soë ingat rugoë ngon laba.

Meutadjô tadjô meukarat-karat,
Harap keupangkat beu raja2;
Meunan keuh misé wahé tjut ubat,
Tengku dji meukab meuseunoh kada.

Mukaddimah njoë ohnoë lôn singkat,
Haba peu-intat bak lôn sikada;
Ohnoë seunambôt lôn tôb risalat:
Djaroë lôn angkat lôn kheun Merdeka.

Medan, 1956.-

HABIB.

MUKADDIMAH

Alhamdulillah limpah badjikan,

Wabakdulkalam sipatah aba ;

Narit sipatah lan saf bak rakan :

Waréh ngon taulan sjeedara lingkang

Haba sigitu napsu lön peutrang,

Keupada taulan di Atjeh-Raja ;

Mangat ngon sakèt wadjéb lön peutrang :

Alang peu-alang deungan sjeedara

Lön peu-ét narit miseuë tuladan,

Wadjéb tatimang salah ngon beuna ;

Mukadimah njoë bagoë amsalan :

Lön harap sadjan beu-ék meuguna.

Sjarat ta-ingat seulamata badan,

Tanguj pikéran ngon bidjaksana ;

Njo kureung ingat alamat suwang :

Teuka seusalan diaché masa.

'Oh teulah dudoë rugcë meugupang,

Jöh goh tindakan piké bak meusra ;

Piké beusampoë samlakoë badan :

Bek lé ikötan narit peusuna.

Ulön suratnjoë bagoë ilham,

Meuhon badjikan Allah njang kaya ;

Adoën ngon adoë lön bri bandéngan ;

Lön harap meunan masa dimula.

Djinoë dum kadeuh meubajang-bajang,

Kawöm hasut präng peupaké bangsa ;

Narit meuhasut meureut le matjam :

Ladöm deungan trang kadang rasia.

Djimita lageé meuribeeé djalan,
Rakjat djipadan meubagoë daja ;
Meunan dum tipeé sukeé Pang-Tibang ;
Bak ingat rakan peurupaganda.

Dum büt uliköt patöt tariwang,
Jöh masa muprang Tgk. ngon Radja ;
Buena ngon karöt patöt tuladan ;
Rakjat njang muprang peué na njang laba.

Peué na hak bagi geubri punulang,
Keu-ureung muprang lawan boh lila ;
Adak na geubri umong sigantang ;
Pagi ngon peutang djilakeé siwa.

Di Teungku2 ta-eu ka le blang,
Umong meukujan lawét Merdeka ;
Rambong Blang Malu geudöng teupatjang ;
Rumoh laba prang Teungku Kepala.

Teuma dirakjat ibarat bubrang,
Teungoh dalam prang tatalak hawa ;
Tarék prut siat masa ta muprang ;
Djan wateé aman hudép meurana.

Kon katekalon wajahé rakan,
Meunjo haba tan pané lön buka ;
Meunjo peureuleé teunteé djsajang ;
Tjit matjam2 djandji djibuka.

Djandji meumadu meudjampu santan,
Tapi didalam bandum döseuta ;
Barat ngon timu ladju lön peutrang ;
Kawöm lön awam béklé djiguda.

Putjök gunong göh leusöham awan,
Reudök ka itam ateu. Peudada;
Angén pi katrös guröb pi datang;
Aljeh pakon lham hana njang ka2.

Hantom jöh dileé tango habaran,
Di Darussalam djiék ië beuna;
Hantök ék tathee lageé büt Tuhan;
Saléh badjikan saléh pi bahja.

Saléh napeue-peue kheundak po alam,
Peusrah bak Tuhan sira ta saba;
Lahé njum dali neubri badjikan;
Geusamak tjurang diateuh dönja.

Geusamak djahé bék lé meuligan,
Awaj kömdian bandum büt njangka;
Dali ka lahé tanlé badjikan;
Ureung le bimbang peuturöt dönja.

Patöt haj wareh ngat gléh beukasan,
Mangat deuh djalan rét uh sibeuna;
Mangat tapatéh nibak joeë Tuhan;
Bék that guransang peuturöt hawan.

Seubab tahudép leihat wadjéban,
Keupada Tuhan njang Maha kaja;
Geutanjoë thaléb kon tréb dialam;
Uroë kömdian njang keukaj baqa.

Jöh mantong utöh tuböhtjeutjatjang,
Mita badjikan ngon galadaja;
Fubüt njang suröh peudjeu-öh larang,
Meunan joeë Tuhan keupada hamba.

Tanda kalahé rab aché zaman,
Bukon haj rakan lön peuna;
Leubë kabaché tja-é ngon iman;
Tuwo keu Tuhan gadöh ngon dönja.

Atjeh mulia nama ka gujang,
Wadjéb haj taulan keudroë tadjagä;
Indonesia bak na tasajang;
Narit hasutan bek tapeutjaja.

Na saboh kawöm sinoë njang bimbang,
Teungoh djipadan rakjat lam desa;
Rakjat lam gampöng ladöm djiantjam;
Lé geurombolan gila kuasa.

Njang ladöm ureung joeë asah parang,
Peuget barisan kawöm peumeuda;
Peugét Lasjka beukas Peudjuang;
Geu joeë antjam alat Negara.

Rakjat lam gampöng habéh keuruban,
Tamong latéhan tuha ngon muda;
Tjiika ta maklum bandum haj rakan;
Kada lön peutrang bék djeut keu lupa.

Seubab musabab soal djabatan,
Tanlé bak gobnjan teungku kepala;
Wateé meukarat rakjat djipadan;
Jöh masa aman hana soë nit naca.

'Oh tan keuradjeun ureung le sawan,
'Oh tandjabatan eureung le gila;
Bak rakjat umum bandum tan djitrang;
Darul Islam peudong lé Pusa.

Wadjéb boh haté pasang pikéran,
Bandum adjakan tanjoë gob maba ;
Seubab le lahé wahé e rakan :
Le that tudjuan djimaba gata.

Le that meukeusut oh djeut djipadan,
Djimeuba sadjan ho2 njang suka ;
Meunan meusjeurut meukeusud njang trang :
Bukon haj rakan djibri pusaka.

Meunan silapéh tanbéh lon bajan,
Walau amsalan meukeusut sama ;
Kada lön tuléh waréh djeunulang :
Wadjéb tatimang salah ngon beuna.

Chaléh lam haté misé buleun trang,
Peungat rakan sjeédara lingka ;
Beumangat haté wahé e taulan :
Landjut gubahan lön balék hidja.

Angén dilaöt djipöt u darat,
Djibeudoh bakat di udjông Pandrah ;
Haba diliköt patöt lön bi-at :
Gantoë risalat lön böh sipatah.

Meukeusut haté meusé lam djasad,
Kirém risalat keunoë sipatah ;
Miseuë ngon misé piké beuteupat :
Bék salah takat rakan meutuwah.

Daerah Atjeh taréh lön surat,
Siluröh djagat deungo lön kisah ;
Daerah Atjeh leubéh murtabat :
Timu ngon Barat makmu barulah.

Nanggroë Républék dji-ék deuradjat,
Keureuna seubab Atjeh daerah ;
Nama njang baék dji-ék sitingkat :
Keureuna rakjat patéh peurintah.

Atjeh njoé makmu timu ngon barat,
Limpah that rachmat nibak Potallah ;
Nama meusjeuhu sibudju djagat :
Peumimpin tjakap njang mat peurintah.

Peumimpin utöh dji uröh rakjat,
Timu ngon Barat sabé geu papah ;
Toë ngon djeu-öh sunggöh geu-ingat :
Hana meu-ilat dengon meu-ilah.

Nasaboh kawöm sinoë njang djeungkat,
Dji hasut rakjat ngon Pemeurintah ;
Djidjak lam gampöng djihimpön rakjat :
Dji peugét rapat djeub2 meunasah.

Nibä djipiké hasé dji sunglap,
Timu ngon barat djitém meupajah ;
Siasat djahé bukon lé djahat :
Djimeuba rakjat hudép lam sösah.

Ingat boh haté bék lé djisunglap,
Puliték djahat, kawöm bédeu-ah ;
Seubab djipiké tangké bak rakjat :
Wateé meukarat geutanjoë dji krah.

Ingat büt djameun peuleuheun that2,
Jöh masa rakjat meuhambö darah ;
Han peue lé lön kheun bandum teu-ingat :
Puliték djahat ureung meu djubbah.

Bandum taturi pantjuri kitab,
Ureung meutungkat njang ba péteunah ;
Hana djipliké aché meularat ;
'Oh keunong ikat bak Peumerintah.

'Oh keunong taloë geupasoe lam glap,
Barö teu-ingat kuasa Allah ;
Teuma dum djinoë laloë ngon pangkat ;
Wateé meukarat barö phön teulah.

Tanging beurata sjeédara sahbat,
Timu ngon Barat djeub2 daerah ;
Indonesia nama ka meupat :
Nanggroë democrat rakjat peurintah.

Patöt ta djundjöng huköm ngon adat,
Patéh nasihat bak Peumeurintah ;
Peu aman gampöng dusön diteupat :
Uerueng meukitab joeë dük di Dajah.

Bek lé geudjampu tgg. ngon sunglap,
Geutanjoë rakjat katjuköp reu-ah ;
Gisa haj teungku ladju bak teupat :
Neubuka kitab neuduk di Dajah.

Meunjo teupat njan reumang ngon tjakap,
Dönja achirat pahla bak Allah ;
Bék that seunindan dönja ngon pangkat :
Neutém peusjahdat rakjat barölah.

Allah rakan beih karöh meulumpat,
Teungoh lön singkat kalam lön leupah ;
Adak pi lön böh tan röb keubangsar :
Rukön Sjahadat pulang bak Sjiah.

Gobnjan njang maklum bandum lat batat,
Dan asoë kitab, pi djeut geusurah ;
Huköm puliték keubit pajah that :
Meuthat geukarat taköt meukilah.

Waja llahi neubri sjofeu-at,
Umat Muhamad patöng potallah ;
Bek röb djén tipée sitreé peu sjahdat :
Binasa harap ibu ngon ajah.

Beuteuhah haté ureung ka silap,
Gisa bak teupat rakan meutuwah ;
Bék lé dalam glé maté tan djeurat :
Beuna ta ingat teu sia pajah.

Sikada dilön, lön bri nasihat,
Keudroë ta ingat beuna ngon salah ;
Lön lakeé dö-a bak tatém ingat,
Lagi lön utjap alhamdulillah.

Masa goh maté lön bri nasihat,
Lön meuhon rachmat nibak poteuallah ;
Geutanjoë hudép wadjéb na silap :
Bukon lön upat ureung meudjubbah.

Seubab le dali neuberi lé Kudrat,
Di ateuh djagat dönja potallah ;
Di Sulewesi tjuba tji lihat :
Sampoë ohnoë hat rakjat dum sösah.

Sinan pi D.I. djitaki rakjat,
Dji joeë berdjiat fisabililah ;
Bukon lé keudji dali mureutat :
Pané na djihat tanjoë saboh mbah.

Tanjoë sibangsa sjeédara sahbat;
Pakon tameukab ngon nama Allah;
Indonesia hana lom tjatjat;
Pakon takarat tameu peureubah.

Meunan meukeusut batjut lön surat;
Hanpeué takarat rakan meutuwah;
Siseun-seun batjut tabeut hikajat;
Sakét ngon mangat bahlé lön peuhah.

Daerah Sunda haba lön sambat;
Wadjeb lön bi-at dua lhée patah;
Di nanggroë Djawa haru-hara that;
Sinan pih hibat karu sileupah.

Sajang bukon lé wahé e sahbat;
Wateé ta ingat rugoë meutamah;
Ureung njang maté tanlé kuh djeurat;
Seubab si-at2 keunong keumurah.

Daerah Sunda di Djawa Barat;
Sinan keuh teumpat karu sileupah;
Darul Islam dji antjam rakjat;
Kawöm chianat keu tumpah darah.

Geurumbolan D.I. anti democrat;
Djihasut rakjat ngon peumeurintah;
Rumoh dum djitet meusagöb asap;
Hareuta rakjat habéh djirampah.

Meukeusut D.I. dji anti rakjat;
Nanggroë democrat djikeuneuk ubah;
Meunan ka meuri bak dali adat;
Binasa harap aché dum teulah.

Meunan ka lahé di Djawa Barat,
Lön bri amanat kawöm meutuwah;
Bék röh ta iköt ureung töt kitab;
Gadoh sjari-at hana faidah.

Tatjok bandéngan di Djawa Barat,
Habéh söbeuhat rakjat barölah;
Dilée tamuprang ngon kaphé Barat:
Keureuna seubab tanjoë di djadjah.

Talawan kaphé pähla raja that,
Didalam kitab meunan geupeugah;
Djinoë hana lé kaphé sangkilat;
Nanggroë ngon djagat wadjéb tapapah.

Bek djeut geutanjoë bagoë chianat,
Lawan maklumat, bak Peumeurintah;
Seubab Atjeh njoë bangsa droë teuh mat;
Wadjéb ta ingat seunang ngon söсах.

Meunjo keudroë lalöë tameukab,
Dönja achirat kutök bak Allah;
Kutök han habéh haj putéh lumat;
Sampoë kiamat sabé lam söсах.

Diaché dudoë rugoë raja that,
Ateuh keurabat saboh daerah;
Ureung Islam hana njang djeungkat;
Meunan riwajat bak rasulölah.

Hana geujoeë poh ureung lam ikät,
Geujoeë peu sjahdat meunjo ka salah;
Djinoë di Atjeh taréh laén that;
Ureung meukitab le pubüt salah.

Laba ngon rugoë tañ soë lé ingat,
Tatém chianat keutumpah darah ;
Tgk. lam nanggroë geupubloë rakjat :
Tan lé geu ingat kutök potallah.

Nama Islam sabé djimeukat,
Koh taküë rakjat ngon bismilah ;
Aduhaj rakan lön paban singkat :
Bubé teuingat wadjéb lön peugah.

Siasat D.I. teunteé haloih that,
Puliték djahat beuingat leupah ;
Wadjéb ta anti D.I. chianat :
Meu kureung ingat meusuruk lam tjrah.

Atjeh mantong gét bersatu bulat,
Huköm ngon adat wadjéb tapapah,
Meunjo ta reuloi hasé sikeudjab :
Tapi sósah that laén tatamah.

Ta-atö nanggroë tapimpin rakjat,
Bukon boeët mangat rakan meutuwah :
Masa goh rugoë keudroë taingat :
Bék röh chianat keu Peumerintah.

Sukarno-Hatta beuna ta ingat,
Dileé njang angkat rakjat barölah ;
Wadjéb that djinoë geutanjoë ta-at :
Meunan amanat bak lön sipatah.

Bathén ngon lahé bubé lön teupat,
Habéh lön bi-at bék djeut keusalah ;
Beumangat haté keulön njang surat :
Lakée beureukat rachmat beulimpah.

Ohnoë rakan beih lön pijöh si-at,
Tamat lön surat saboh peurusah ;
Mukadimah njoë ohnoë lön singkat :
Limpah sjofeu-at Tuhan njang meugah.

* * *

B A B I.

Wabakdulkalam sjahdan lön tuléh;
Haba silapéh Atjeh-pristiwa;
Limpah ilham Tuhan njang chaléh;
Tjinta ngon gaséh sisama bangsa.

Lön kirém keunoë haba silapéh,
Bak lön disidéh wahé sjeédara;
Teu ingat sinoë nanggroe ngon waréh;
Habéh han habéh didalam bahja.

Atjeh mulia nama ka dja-éh,
Tgk. Beureu-eh njang peugét puntja;
Habéh beuruntak sjeédara waréh;
Meutindéh lapéh rakjat binasa.

Maté rakjat bha puntja Beureuéh,
Digobnjan sidéh geumuprang hana;
Rakjat djeulata njawong djasapéh;
Tgk. Beureu-éh meusom lam rimba.

Di teungku nja' roh meubaréh,
Njang djak meulatéh rakjat sidumna;
Keubit that utöh ureung boh reuntéh;
Mangat bak geu-éh kana soë djaga.

Keubit haj rakan meunan lön tuléh,
Daud Beureuéh geumuprang hana;
Ureung njang muprang bukan lé seudéh;
Boh beudé peugléh meukeuba-keuba.

T.N.I. muprang seunapang lnggréh,
Tgk. joeë tangkéh ngon parang bangsa;
Aduhaj rakan lön paban seudéh;
Karöh tapatéh gob ba peusuna.

Laöt barulah bitjah meulapéh,
Dji beudoh buwéh bubé-bé raja;
Rakjat barulah geukrah meubaréh;
Seunapang lnggréh tdk. joeë mita.

Pakriban tatjok wahé e waréh,
Teuntra disidéh siap seudia;
Tadjak goh lom trös djisampöh kagléh;
Maté teu-éh-éh, tan meupat bila.

Beuthat beurangkri teungku bri uréh,
Hana djipatéh lé aneuk lila;
Peuë hék diteungku rakjat geusapéh;
Njang haté peudéh aneuk deungon ma.

Djeub lingkök krung ureung ka teu-éh,
Bukon lé seudéh ingät keu bangsa;
Allah rakan beih karöh tapatéh;
Hana teuseuréh talawan bangsa?

Dileé tamuprang lawan si putéh,
Patöt ta meugréh ureung Beulanda;
Djinoë ta muprang talawan waréh;
Rét noë ngon rét déh Indonesia.

Allah jarabbön Tuhan lön chaléh,
Habéh han habéh Atjeh lam bahja;
Teudoh bahja njoë djinoë bahja djéh;
Teuka djén paléh djak ba peusuna.

Piké sjeédara tanda ta gaséh,
Daud Beureuéh chianat bangsa;
Patöt geulupa sumpah uroë djéh;
Djinoë geulanggéh Sukarno-Hatta.

Nangroë Merdéka tjahja beureuséh,
Gob turi habéh ban saboh dönja ;
Sukarno Hatta wadjéb tagaséh ;
Ureung njang arét pemimpin bangsa

Lambang geutanjoë djinoë haj waréh,
Mirah ngon Putéh gobdjak peutuka ;
Pakon samlakoë ta bri gob langgéh ;
Mirah ngon Putéh gob djak tuka

Piké beusaré wahé e waréh,
Bék lé tapatéh narit peusunä ;
Sajang keu njawong haj bungong niréh ;
Ingat keu waréh aneuk tjut raja

Nanggroë reupublék han ék soë langgéh,
Mirah ngon Putéh lambang pusaka ;
Patöt ta djundjông huköm teutuléh ;
Wadjéb haj waréh keudroë tadjaga

Bék röh ta reuloih rumoh bak ta-éh,
Menjo ka tiréh tapeudap sagra ;
Meunan keuh misé wahé tjut kandéh ;
Atjeh ka habéh dusön ngon kuta

'Oh hantjô Atjeh leubéh lom seudéh,
Sinoë ngon sidéh tarö ië mata ;
Bandum geutanjoë han lé soë gaséh ;
Aché ta reuntéh hudép meurana

Djinoë keu Atjeh leubéh geu gaséh,
Diphön uroë djéh gob pudja ;
Pakon roë djinoë tanjoë bloë djajéh ;
Tatém meugréh-gréh talawan bangsa

Hana keuneulheuh tapeukreuh gatéh;
T.N.I. chaléh peutheun négara;
Barangdum tjeubeuh keuneulheuh teu-éh;
Maté meupajéh han sakon gunahijih.

Aneuk manjak moë sinoë ngon sidéh,
Mata teuh peudéh bak taméudjaga;
Rakjat kedeuek troë laloë bak baréh;
Rumoh sröt bintéh han lé soë kira.

Gadöh bak muprang badan tasapéh;
Keunoë ngon keudéh djilét lé tentra;
Bukon lé sajang bintang beureuséh;
Atjeh ka habéh tanlé sapeue na.

Rumoh gob djitöt sagob ka putéh,
Sinoë ngon sidéh tanlé soë publi;
Rakjat geureuböt dikaom paléh;
Njang han tém patéh peurintah djiba.

Titi dum djibhöm djalan djilinggéh,
Ren2 dum kabéh djiböt dum rata;
Rakjat lam gampöng joeë trön meubaréh;
Tgk. joeë latéh masök lasjeuka.

Peureuté tgk. haté that peudéh,
Sumpah kahabéh lawan Negara;
Barat ngon timu ladju löh tuléh;
Sinoë ngon sidéh rakjat djipaksa;

Meuröh han tatém wahé e waréh,
Umu teuh habéh tan peuë keureuna;
Handjeut wateé trang malam bak ta-éh;
Bandum djipeugléh njang han seureuta.

Keubit that keudjam po eumpang ampéh;
Hana lé meutjéh gob dji élanja;
Kawöm bangsawan keuruban kabéh;
Bandum djipiléh beuthat ka tuha.

Ampön Tjhik Pineung ureung gob gaséh;
Tgk. seumbeuléh didalam rimba;
Bangsawan umum bandum djipeugléh;
Peudjampöh puréh djimat kuasa.

Peutrök peuh haté wahé e waréh,
Deundam ureë djéh djiulang téuma;
Keubit that djahé bahlé lön peutjéh;
Djitém peuhabéh ureung tan dösa.

Inong dum baleé sinoë ngon sidéh;
Atra ka habéh rakjat lam désa;
Ureung djitipeé lageé uroë djéh;
Boh ön oë putéh bék keunong bala.

Beuthat beurangri rakjat djiapéh,
Han-ék djilanggéh nanggroë merdéka;
Alam reupublék mirah ngon Puteh;
Rakjat djipiléh Sukarno Hatta.

Hantrös ban napsu teungku Beureuéh,
Aché meupajéh keunong boh lila;
Peuturöt napsu umu geu habéh;
Djadéh bak geu-éh sidéh lam guha.

Beuthat didjaga meulapéh lapéh,
Dudoë haj waréh meuhat meusingkla;
Meunjo but apuj beusoë pi lipéh;
Daöd Beureuéh meunan umpama.

Ibarat miseue tiköih lam bintéh,
Padjan roë meutjéh wateé mie hila ;
Ta-eu djitimang sang2 djigaséh ;
Padjan tjit meutjéh wateé djiwit pha,

Meunan misalan bintang beureuséh,
Han peuë löh peutjéh wahé sjeédara ;
Meunan balasan Tuhan njang Aréf :
Kutök meulapéh di aché masa.

Ateuh dönja njoë meunoë silapéh,
Achirat keudéh laén keunira ;
Meuhat keutungoë gob njoë geupeu-éh ;
Sapat ngon waréh kawöm durhaka,

Allah jarabi neubri beureuséh,
Haté beuchaléh peu-ingat bangsa ;
Seulamat neubri ahli ngon waréh :
Beu-ék seuliséh bak mara baja.

Beu-ék seulamat rakjat di Atjeh,
Teuleubéh-leibéh njang hana dösa ;
Bala raja that rakjat di Atjeh :
Le that ka teupéh lam prang sjeédara.

Ranub kunéng ön digampöng lam réh,
Kareung meutungkéh pasi krung raja ;
Ingat keu bangsa kaum löh Atjeh :
Ië mata liléh meulumba-lumba.

Wateé löh piké haté pi teupéh,
Saléh peuë daléh, tapeudong dakwa ;
Sang2njum tanlé njang haté saléh :
Sajang that Atjeh sabé lam bahja.

Nanggroë ka kengkeung ureung ka djiwéh;
Teuleubéh-leubéh njang plung lam rimba;
Timoh beuraleun dijub pupaléh;
Sibudju Atjeh tan lé sapeuë na.

Dilée kon makmu ta-eu ka sahéh,
Meunan lam taréh joh saboh masa;
Barat ngon Timu ladju lön tjukéh;
Kureung ngon leubéh sidjarah bangsa.

Meunan meukeusud batjut lön sahéh,
Sidjarah Atjeh djinoë ka gura;
Allah adék tjut handjeut na leubéh;
Dilcé kon Atjeh sabé geupudja.

Tjukôp meuleuha masa kaphé wéh;
Djeub2 pupaléh tanjoë kuasa;
Djeub2 djawatan na ureung Atjeh;
Tanlé dji tjukéh lé ureung luwa.

Tjamat Bupati gadji dum leubéh,
Teungku Mat Saléh tjok gadji buté;
Teuntra pulisi-dali pih sahéh;
Keu ureung Atjeh hana geulupana.

Dilée na geubri Propinsi Atjeh,
Teungku Mat Saléh rajeuk kuasa;
Pihak tan ahli hadji deungon Sjech;
Propinsi Atjeh ka hapös nama.

Hana njang kureung bandum pi leubéh,
Meunan lam taréh joh phön merdeka;
Pihak geugaséh keu ureung Atjeh;
Kureung ngon leubéh han that geukira.

Bukan Nibak geupiké haté bék teupéh,
Tjahja Keureuna Atjeh geu ingat djasa ;
Teudéh Teuma di aché lahé ngon sahéh ;
Habéh Beureuéh cs. dji peuna bahja.

Aneuk manjak tjut bandjeut djitatéh,
Meunan keuh Atjeh lön böh umpama ;
Oh rajeuk batjut umu pi baléh :
Teuma dji tjukéhpeuë2 njang hawa.

Oh baléh umu napsu pi leubéh,
Sjeitan djiriséh sabé djiguda ;
Djipeu-ék napsu teungku njang saléh :
Propinsi Atjeh tuntutan meugara.

Meunan meukeusud batjut lön sahéh,
Aneuk ka baléh sjeitan djak daja ;
Sjeitan djak hasut teungeut dji tjukéh :
Dum ureung saléh iman geuh gögaa2

Reudök ka meugrum udjeun ka djadéh,
Djinoë ka sahéh beurontak raja ;
Nanggroë ka kengkeung ureung ka la-éh :
Siluröh Atjeh ka huru hara.

Siluröh rakjat meu ikat maréh,
Padum njang teupéh milék hareuta ;
Habéh meularat rakjat di Atjeh :
Beureuéh cs. dji wéh lam rimba.

Sidjuk misueuë mön tutöng miseuë éh,
Haté ka teupéh didalam dada ;
Padjöh boh laköm katutöng maréh :
Geumita daléh njang hana-hana.

Hantrös meukeusud njang djeut keu geuwéh,
Oh hantjö Atjeh geuplung lam rimba;
Rakjat geu haseut geu geuti bak kréh;
Teuma teungku Sjééh meusom lam rimba.

Bék keunong beudé lam glé geudjak wéh,
Rakjat di Atjeh njang theun seungsara;
Padum ka maté tan lé soë tjukéh;
Djinoë njang sahéh inong dum djanda.

Lutöng meu ajön ditjöng bak niréh,
Aneuk manjak éh lam ajön idja;
Haba lön samböng udjöng lom keudéh;
Tjuba tapiléh siri njang gura.

Utöh beut nahu teungku Beureu-éh,
Masa uroë djéh jöh mantong mudä;
Bak lön sigitu gapu ngon siéh;
Samböt beu chaléh wahé sjée dara.

Sidjeuk ngon seu-um peunjum beuhabéh
Mangat ngon peudéh hana lön sadja;
Keureuna saleum bandum keu waréh;
Sinoë ngon sidéh kawöm si bangsa.

Napsu keutari tamanoë beu gléh,
Sabön tjap Paréh ta sabön idja;
Narit meukawi lön tji peu meutjéh;
Bék djeut keupeudéh wahé sjéchuna.

Bukon lön bantji tapi lön gaséh,
Peugah bak waréh sjeédara lingka;
Allah jarabbi pakri njang uréh;
Seun2 silapéh ladju lön rika.

Bukan lé sajang bintang beureuséh,
Tjahja ka habéh djitób lé miga ;
Teudoh bahja njoë teuka bahja djéh :
Habéh-han abéh sepanjang masa.

Keureuna seubab djilangga garéh,
Habéh han abéh Atjeh lam bahja ;
Nasihat Hatta hana djipatéh :
Dji lingkeué uréh tata Negara.

Pihak Pa' Hatta raja that gaséh,
Masa uroë djéh ka geudjak tuha ;
Tapi ditgk. hana dji gubréh :
Daöd Beureu-éh geupeuna bahja.

Meusalah langkah meukilah gatéh,
Meulingkeuë uréh djadéh binasa ;
Höm kaman höm tampöng katireh :
Pakri ban ta-éh udjeun ka teuka.

Meunan misalan bintang beureuséh,
Atjeh njoë kabéh wasé musara ;
Hantjö ngon nanggroë tanjoë pi lipéh :
Atra ka habéh rakjat ka papa.

Allah adék tjut handjeut takheun séh,
Haté that peudéh ingat keu bangsa ;
Saleh keupeuë djeut wahé tjut putéh :
Kawöm ngon waréh di aché masa.

Ohnoë sikata haba lön tuléh,
Kirém keu waréh di Atjeh raja ;
Meunoë sjéedara haba lön tanbéh :
Kirém silapéh haba pristiwa.

Adun ngon adoë sinoë ngon sidéh,
Batja beuhabéh sidjarah bangsa ;
Bab peutama leungka lön tuléh :
Tabatja keudéh bak bab keu dua.

B A B II.

Amabakdu ladju lön rawé,
Mangat meusampé keunarang haba;
Meutuka buhu lagu maté-é:
Deungo beusaré wahé sjéedara.

Karöt ngon salah leupah lön ruhé,
Bék pitjek haté keu lön njang rika;
Haba njoë keubit narit tan gandjé:
Bubé njang lahé tanging ngon mata.

Hana mustahak rakan boh haté,
Hana mustah haba lön buka;
Haté ichlas bathén ngon lahé:
Gantoë ta tahlé tabatja dö-a.

Gantoë ta joeë beut surat tafeusé,
Ngat ridjang maté tangkulak bangsa;
Meunan meusjeurut meukeusut haté:
Bathén ngon lahé talakée dö-a.

Diudjông Laweung ureung keumawé,
Ramphak dipanté gapeuh rubék ga;
Dö-a ta inseun takheun ngon haté:
Beuridjang maté ureung poh bangsa.

Paleut seulintang taleung beu saré,
Ilahön Adé neukabuj dö-a;
Beumeuseung-abeung ureung njang djahé,
Mangat meusampé tanjoë merdeka.

Nanggroë merdeka ka guja-gajé,
'Oh djiwéh kaphé ta pena bala;
Sihan trah nafsu djipeuna paké:
Djimeu peureulé Indonesia.

Djikeumeung reul'oih rumoh meu-uké,
Meunan bak lahé siasat djiba ;
Pakri ta teu-oh reuloih lam haté ;
Ié mata ilé ingat keu bangsa.

Beureu-éh cs. njang peuna paké,
Rakjat njang maté han-ék ta kira ;
Maubantaj ateung meu kadjeung bangké ;
Han-ék tapiké maté lam ngada.

Sinoë ngon sidéh meutindéh bangké,
Rakjat dum saré ka habéh pana ;
Padum njang djipoh ngon tjeubung beudé ;
Rakjat sagai bhé teungku élanja.

Tuha ngon muda hana bida lé,
Dijjoeé poh maté dianiaja ;
Njang han seureuta djiba dalam glé ;
Djaroë lam ranté gaki lam singkla.

Inong pih djipoh march dji tjungké,
Keubit that djahéwahé sjéedaré ;
Diblang ngon dikrung uréung meugulé ;
Teutik-lik bangké soë tanom hana.

Inong ngom agam habéh lam ranté,
Keu-eumpun beudé kawöm durdjana ;
Kawöm Pang tibang keudjam bukon lé ;
Djiipeu puh haté élanja bangsa.

Bak meudang ara tjabeung hana lé,
Patah meugulé dalam ié raja ;
Dji grombolan njata ka tja-jé ;
Bubaj lam haté gadoh keunira.

Indonesia dikeumeung gulé,
Nibak dji piké sampoë ban pinta ;
Djinoë kanjata hana meusampé :
Keubit han hasé lawan Negara.

Hantrös ban napsu kawöm njang baché,
Han ék djigulé Sukarno Hatta ;
Beuthat di tgk. napsu bubé glé :
Raja that haté bak mita nama.

Harap keupangkat rakjat geusambé,
Hana dji piké rugoë ngon laba ;
Nama bék kureung ureung bah tjajé :
Sajang bukon lé ingat keu bangsa.

Tcungku peugel prang diblang ngon diglé,
Kahabéh tjirébré rakjat djeulata ;
Rakjat di antjam bukan lé djahé :
Leubéh bak kaphé njang tan agama.

Leubéh bak Djeupang keudjam salam lé,
Peureubutan djahé dji ganda2 ;
Meunan lakuan tapandang lahé :
Bukon lön ruhé njang hana2.

Ajuhaj rakan sajang bukon lé,
Keubit le gandjé sidjarah dönja ;
Dumnan lakuan rakan boh haté :
Dalam boeët baché tgk. seureuta.

Inong djitawan agam djirahé,
Djiba dalam glé ngat rimung seuba ;
Teuma dji joeë poh han ék djiba lé :
Hana dijipiké sisama bangsa.

Tuha ngon muda djiba dalam glé,
 Idi ngon tangsé meureukas Besa ;
 Rakjat djipaksa rata sagai bhé ;
 Teungku höj saré lawan negara

Keutjihik ngon waki joeë gulam beudé ;
 Djihasut sabé rakjat didésa ;
 Daérah Sigli keudji bukan lé ;
 Bandum boëët djahé tgg. seureuta

Ureung njang anti teungku kheun kaphé ;
 Djijoeë poh maté njang han seureuta ;
 Rakjat geujoeë djak dum saré2,
 Djak rampas beudé alat negara

Rakjat lam seuh prang lawan boh beudé ;
 Di teungku lam glé meusom bak teuntra ;
 Di teungku mangat rakjat njang maté ;
 Leupah that djahé geubé peusuna

Allah jarabbi pakri-lön rawé ;
 Seungkoë lam haté han-ék lé saba ;
 Ingat boëët njoë ie mata ilé ;
 Kahabéh maté kawöm sjéedara

Lon ingat adun keumun ka maté ;
 Adoë lön tanlé jöh phön Pristiwa ;
 Dada lön seu-um hamhum lam haté ;
 Ingat boëët djahé bak soë lön bida

Seungoë dimideun ureung hana lé ;
 Ladom dalam glé geudjak meudama ;
 Reubah teu gageung linleung meugulé ;
 Agam dum maté inong dum djanda

Keureuna teungku tunu lam haté,
Rakjat ka tjrébré di Atjeh raja;
Barat ngon timu teungku hej saré;
Langsa ngon Singké tgg. Seuranta.

Rintjông ngon peudeung bundum ka asé,
Tumbak ngon beudé teungku djak mita;
Gampông ngon mideun ureung geupangge;
Bandum beuhazlé tuha ngon muda.

Rintjông ngon parang tjekjang meublé,
Bandum beu hasé bék na njang lupa;
Pandu Islam baresan maté;
Sajang bukan lé pemuda bangsa.

Peurintah teungku handjeut bantah lé,
Rila dji maté aneuk sikula;
Peuturöt napsu adjaj pi sampe;
Peuturöt haté djadéh binasa.

Pandu Islam garang bukan lé,
Ratéb ngon diké hapaj meubua;
Kheun kuldjaalhakku bek kuju haté;
Döa bloë maté tamong sjuruga?

On oeë bak djaroe sampoë bak lihé,
ngat djarak boh beudé meunan djikira;
Rakjat lam nanggroë bandum dji sihé;
Djikheun 'oh maté masök sjuruga.

Astafirullah leupah that djahé,
Dji meunit kaphé alat negara;
Rakjat barölah pi salah piké;
Peuë teungku rawé sang2 ka beuna.

Peue teungku peugah hana bantah lé,
Baten ngon lahé patoh seutia ;
Hana soë gundah keudarah ilé :
Hana soë piké maté ban tjina.

Hadis peureuman djituka také,
Djiboh tafeusé ban napsu hawa ;
Ajat Quran dji guja-gajé :
mangat ek asé peungeut rakjat bha.

Rakjat djeulata ka djiboh sihé,
Dijioë meupaké muprang ngon tentra ;
Indonesia negara kaphé ?
Tentra ngon M.B. musoh agama ?

Meunan keuh lagée gurée boh diké,
Siasat djihé dalam rahsia ;
Rakjat tan djithée gurée ba kaphé
Laén lam hate peugét rentjana.

Laén meukeusud adék tjut kander,
Mula djipiké peugét negara ;
Raja that napsu teungku keu toké
Sigala wasé milék negara.

Napsu beu sampoë nanggroë bah reulé,
Hingga trök piké peudong negara ;
Nanggroë lam nanggroë djinoë ka lahé :
Boeët that mustahé teungku öseuha.

Kabinet Ali dji anti kon lé,
Sebab dji piké anti agama ;
Seubab Pa' Ali ureung kreuh haté :
Geujoeë poh maté tangkulak bangsa.

Bineh glé tampuj ureung kruj padé,
Ramphak ateuh glé bak meudang ara;
Tjit ka ta tupeuë hanpeuë lon kheun lé;
Ateuh boeët djahé di Atjeh raja.

Teungku Mat Daöd peuturöt haté,
Ek leumah piké peugét negarä;
Wadjéb ta tjaröt patöt taruhé;
Hanpeuë sajang lé tangkulak bangsa.

Nanggroë Islam bajang ka lahé,
Teungku mat tangké di Atjeh raja;
Darul Islam keudjam bukon lé;
Djilawan M.B. alat negara.

Dilée djikira laba bube-bé,
Djinoë ka lahé rugoe meubara;
Keupeu lom guna ië mata ilé;
Hana tapiké di awaj mula.

Awaj ta puboeët dudoë tapiké,
Teuma di aché teulah meuganda;
Tuböh teuh pidjeut teungeut hana lé;
Utak pi tjajé diaché masa.

Hantrös ban hadjat kasad lam haté,
Keureuna pi-é laén lagöë na;
Binasa harap hana meusampé;
Han-ek dji gulé Indonesia.

Sajang Kapaj prang arang hana lé,
Sajang Pang tibang kabéh dalam glé;
Sajang Pang tibang kabéh dalam glé;
Rakan katjébré didalam rimba.

Diée kon garang keudjam bukon lé;
Perbuatan djahé djiganda-ganda ;
Kajée dji teubang djalan dji reulé;
Rén2 dji tjungké digampong djeumpa.

Djalan dum reuleih rumoh hana lé;
Keudé pi reulé djitôt djeub banda ;
Aijah rakan djröh reuleih lam haté ;
Han-ék ta piké boeëtan angkara.

Udjeun ka teuka ië raja ilé,
Bateung meugulé bubé-bé raja ;
Batjut lön buka haba u Tangsé ;
Gampöng binéh glé djidjem keumala.

Bukon lé sajang bintang mublé-blé;
Tjahaja hana lé djitöb lé miga ;
Bukon lé sajang rakan di Tangsé ;
Teubée ka maté tan lé soë pula.

Oh prang sjéedara get that meusampé;
Hantjö ngon Tangsé rauleih ngon kuta ;
Ureung inong moë lakoë djih tanlé ;
Lam sabé2 dji meuseurapa.

Masa goh teuka teuntra u Tangsé;
Sösa bukonlé rakjat djeulata ;
Lam rök2 masa ië mata ilé ;
Keudjam ngon djahé D.I. keuridja.

Rakjat di rampök djitjok ngon padé;
Djipoh ngon beudé soë2 meudakwa ;
Soë2 njang arok dji seukok lé ;
Soë galak haté dji peulara.

Hana soë larang handjeut ta tham lé,
Po2 dji paké dji tjok areuta;
Han séb meulisan djigulam padé;
Peuë galak haté dji tjok lé sigra.

Njang po hareuta hana daja lé,
sakét lam haté handjeut djibuka;
Meung röh djibeuka haba njang gandrö;
Djadéh bit maté tubôh binasa.

Saléh ho djiba atra di Tangsé,
Kupi ngon padé meuguntja guntja;
Diphön di nanggroë sampoe trök ulglé;
Meurampok sabé mita areuta.

Talö di Sigli ili u Tangsé,
Njawong dji sambé mita kuasaj;
Djeulata tani djitaki sabé;
Joeë bajeuë wasé tuha ngon muda.

Meunjo keu sabi tabri si tahe,
Meunjo keu tahlé limong rupia;
Dumna peng sabi pakri jum padé;
Han ek kira lé wahe sjeédara.

Saléh peuë sabi djioëë bri sabé,
pangkaj dji maté ulama gila?
Rakjat dji taki sajang bukon lé;
Lam sabé sabé teungku pëuguda.

Bukon lé keudji dali ka lahé,
Teungku sagai bhé mabök keu dönja;
Hareuta tabri tanjoë pih maté;
Reubah meugulé soë tanom hana.

Barö sah sabi wahé boh haté,
Ta-ek prang kaphé musöih agama;
Rakan meutuwah bék salah piké;
Teungku meupaké meureuböt kadat.

Di téntra sjahid keubit ka lahé,
Di tanjoë maté bak mita nama;
Meunan njang keubit narit lön sambé;
Bék salah piké wahé sjéedara.

Peurahö raja bungka u Singké,
Rijeuek meugulé dimiëng kuala;
Wahé sjéedara handjeut laloë lé;
Beudoh beusaré ta seutét bila.

Peuman gampöng ta tulöng M.B.,
Mangat meusampé tanjoë merdeka;
Ureung chianat ikat ngon ranté;
Bandum beusaré Atjeh tabila.

Mangat geuhuköm kawöm njang baché,
Ngat ridjang hasé tabangun negara;
Peumadju nanggroë beusare-saré;
Beuchaléh haté bantu negara.

Atjeh kareuleih pakri tapiké,
Djalan hana lé kadjeut keu paja;
Wahé rakan djroh beudoh beusaré;
Titi kareulé tagäntöë sigra.

Meunjokon meunan hana djalan lé,
Atjeh ka tjajé gampöng ngon kuta;
Atjeh kapaloë djinoë bak lahé;
Aché bak aché meuhat binasa.

Jöh goh lom habéh waréh tapikô;
Meunjo ka reulé keupeuë lom guna;
Keupeuë guna ië teunaman tan lé;
Keupeuë guna glé meunjo tan lada.

Keureuna Atjeh ka guja-gajé,
Ureung brök haté dji peuna bahja;
Tanjöë di Atjeh teupéh that haté;
Pakri tapiké peu makmu bangsa.

Atjeh beu makmu pakri ék asé,
Meukon beusaré tanjöë öseuha;
Njo makmu bangsa seunang di haté;
Batén ngon lahé rakjat bahgia.

Ranub lam puan pisang bak tangké,
Pasoë lam baté peunadjöh radja;
Saléh pakriban rakan di Tangsé;
'Oh tanlé padé reuböh keu pila.

Miseuë sikarang intan boh haté,
Handjeut laloë lé ta bantu teuntra;
Beudeih haj rakan beusaré-saré;
Tatulöng M.B. ta bantu teuntra.

Diphön di Langsá hingga u Singké,
Wadjéb dum saré Atjeh tabila.
Nanggroë ta bila njang karab reulé;
Ichlas di haté békna sjok sangka.

Atjeh mulia hana gura lé,
Teungku boh sihé rakjat didesa;
Dji propaganda rata sagai bhé;
Djikheun hana lé Sukarno-Hatta.

Allahu-Allah leupah that gandjé,
Haba mustahé narit doseuta ;
Pakri djipeugah Sukarno tanlé :
Ka djiböh ranté sidéh di Djawa ?

Sukarno Hatta dji guja-gajé,
Keubit that djahé djipropaganda ;
Djiekheun Sukarno ka pro keu kaphé :
Nanggroë hana lé ka djipeu siwa.

Astafirulah leupah bit gandjé,
Narit teukeusé tipeé rakjat bha ;
Pakri djipeugah Sukarno tan lé :
Ek sampé haté dji meudôseuta.

Sukarno Hatta hana pro kaphé,
Pemimpin adé mat Pantja Sila ;
Pemimpin bangsa dua sirungké :
Ichlas that haté djundjông agama.

Le peuë meukeusud dji guja-gajé,
Supaja tjebré rakjat seungsara ;
Indonesia tjahja meublé-blé :
Lam seuntök sabé ta pudja2.

Diphon di Sabang sampoë Maruké,
Tjahja meublé-blé Sukarno Hatta ;
Wahé e taulan timang lam haté :
Bék lé teukeusé patéh pesuna.

Pulo Irian mantong bak kaphé,
Pakri tapiké wahé Sjëedara ;
Meunjo geutanjoë laloë meupaké :
Teuntée han hasé reuböt Papua.

D.I. lam nanggroe dji katjho sabé,
Teusinjom kaphé radja Beulanda;
Wadjeb geutanjoë bersatu haté:
Supaja hasé tatjok Papua.

Meunan meusjeureut meukeusud haté,
Wadjéb tapiké nanggroe ngon bangsa;
Bék röh ta puboeët ateuë boeët djahé:
Sakét lam haté 'oh gob tjeureutja.

Bék djeut geutanjoë bagoë siranté,
Lam seuntök sabé gob peuguda;
Beuthat di gob njan djipuboeët djahé:
Tanjoë iköt lé tabatén rata.

Laöt barölah bitjah ubé-bé,
Bitjah dipanté rijeuek keunong sa;
Rakjat barölah karöh teukusé:
Dji patéh rawé narit peusuna.

Ta eu djeub teupat rakjat hana lé,
Teungku peupaké sisama bangsa;
Seungoeë digampöng djinoë ka lahé:
Ramé dalam glé ureung djak tapa.

Saré djibeih droë nanggroe hana lé,
Njawong dji sambé hudép meurana;
Pidjut ngon tuböh padjöh boh awé:
lè mate ilé geunap kutika.

Ta-eu dibadan pakajan tan lé,
Ratéb ngon diké sirôé dji tapa;
Idja seureuban pih sang ka tjajé:
Padum ka maté njang rimung seuba.

'Oh aché dudoë djaroe lam ranté,
Djinoë ka lahé karab tök masa ;
Siseun-seun sidroe djiwoë dalam glé :
Hana lé hasé hudép lam rimba.

Han ék lé djitheun bandum ka tjajé,
Tumbak ngon budé ka tumpoj mata ;
Meubuleun-buleun eumpeun hana lé :
Padum njang maté didalam rimba.

Ladöm njang rusak han ék djidjak lé,
Ladöm njang maté boeët malaria ;
Ladöm njang palak djipeusak maté :
Hana djiwoë lé u gampông tangga.

Ladöm haj adoë hana djiwoë lé,
njang panjang piké meuhut djigisa ;
Seun2 siuroë meutamah rungkhé :
Rakan ka tjébré pakri keunira.

Meunan beurangpeuë wahe bôh até,
meu hana piké dilée di mula ;
'Oh teusut leuweuë meusinteuë batjé :
malée di aché dinap rakjat bha.

Djeuheut ngon nama atra pih reulé,
Rakjat njang maté saléh pat bila ;
Keupeuë löm guna nama ka tjajé :
Batén ngon lahé ajéb didönja.

Meunan tjit haj njak grombolan djahé,
Salah that piké diawaj mula ;
Bak mita nama djipeuna paké :
Teuma di aché tarö ië mata.

Meunan njang keubit narit lön lahé,
Oreung ka tjajé bak mita nama ;
Adak ta hudép lam ajéb sabé :
Adak ta maté han sakon guna.

Etikeutsalah Allah peu lahé,
Awaj ngon aché Tuhan peunjata ;
Tuhan neu kutök ureung brök pi-é :
Meunan tjit misé kawöm Sjëchuna.

'Ohnoë sipatah isjarah haté,
Karangan Sja-é lön balék idja ;
Hate ichlas rakan tjut kandé :
Lam sabé2 peu ingat bangsa.

Seun2 saboh bab lön surat hasé,
Mangat meusampé lön karang haba ;
'Ohnoë lön singkat surat maté-é :
Djinoë lon rawé logat ma maté-a.

B A B III.

Lulong meu-ajön ditjöng bak ara,
Aneuk leuëk kuwa didalam djaroe ;
Haba meusamböng udjöng meutuka :
Deungo sjéedara adun ngon adoë.

Tuhan bri taufik haté iam dada,
Löu susön haba sidjarah manggroë ;
Beudjeut keusuri angkatan muda :
Bak saboh masa di aché dudoë.

Seun2 sipatah löu peugah landja,
Ulön usaha malam ngon uroë ;
Deungon lradah Allah taala :
Haté lon leuga dalam djeub2 sjoë.

Bab njang keulhée lakée beuleungka,
Maken gét gura sidén ngon sinoë ;
Hikajat gurée sukée poh bangsa :
Kamoë usaha keu bungong djaroe.

Allah jarabbön wahidön Qaha,
Neubri sidjahira tanoh Atjeh njoë ;
Neubri beu makmu aman sentosa :
Grombolan lia ridjang seuleusoë.

Nanggroë republék beu-ék lom djaja,
Meunan ta pinta malam ngon uroë ;
Nama beu baék siluröh dönja :
Indonesia tanoh geutanjoë.

Rakjat bersatu lapan plöh djuta,
Hana lé bida sidén ngon sinoë ;
Barat ngon timu Indonesia :
Saboh Negara bandum geutanjoë.

Saboh peurahö sidroë nahuda,
Sukarno-Hatta pemimpin nanggroë ;
Bak inget rakan bék karam Behtra :
Tanjoë sibangsa sidéh ngon sinoë.

Tan kureung Atjeh tan leubéh Djawa,
Hana lé bida bandum geutanjoë ;
Tan kureung Ambon tan lamông Sunda :
Piké bak meusra adun ngon adoë.

Tan kureung Bali tinggi Madura,
Bék djéut keutjupa sidah ngon sinoë ;
Atjeh ngon bugéh Ambön Madura :
Batak ngon Djawa kawöm geutanjoë.

Diphön di Sabang sampoë Papua,
Indonesia ta djaga keudroë ;
Bek lé sjok bimbang didalam dada :
Hana lé guna meukab-kab gigoë.

Atjeh ngon Batak nahak merdeka,
Soal agama bék djéut keu paloë ;
Tanjoë saboh bak dajak ngon Djawa :
Misé umpama adun ngon adoë.

Nanggroë republek meu Pantja Sila,
Bandum agama hudép disinoë ;
Rome Katolék mantong mulia :
Agama Budha pih na lam nanggroë.

Rakjat Islam pulöhan djuta,
Pakon sjok sangka sabé keudroë-droë ;
Pikif Islam han peué ta paksau
Soal agama han peué ta publië.

Pemilihan Umum njang ka geubuka;
Sinan ta bila Islam sidjatoë;
Hanpeuë ta antjam ngon prang sjéedara;
Lahé tan laba njang lé that rugoë.

Djalan njang legal rakan ta mita;
Mangat sidjahtra rakjat sinaroë;
Pemilihan umum ta bri suara;
Islam ta bila bandum geutanjoë.

Bak Konstituante djalan teubuka;
Piléh keupala njang atö nanggroë;
Bék roh ta pileh tang kulak bangsa;
Di aché masa tanjoë dji publoë.

Piléh Pemimpin tanging njang pinta;
Njang na sikula bék buta tuloë;
Lagi pih jakin dipimpin bangsa;
Meunan ta mita wahé samlakoë.

Rakjat lam nanggroë le that wareuna;
Le that agama sidéh ngon sinoë;
Agama tanjoë gob pumulia;
Asaj bék taba ngon tangan beusoë.

Wadjéb ta djundjông huköm pidana;
Dalam negara bék peugét nanggroë;
Keureuna nanggroë meü Pantja Sila;
Wadjéb ta djaga sabé keudroëdroë.

Ingat beusaré piké beu meusra;
Bék lé meudakwa bandum geutanjoë;
Meutan ta piké aché binasa;
Indonesia meuhat gob publoë.

Nanggroë Républék umu that muda,
Mantong lam bahja sidéh ngon sinoë;
Musöb didalam djihantam bangsa :
Musöb diluwa peukaru nanggroë:

Karu lam nanggroë meuganda-ganda,
Meuprang sjéedara sidéh ngon sinoë;
Teungku Beureuëh di Atjeh raja,
Peumimpin döa geu lawan nanggroë.

Di Sulawesi Kahar Muzakka,
Ibnu Hadja pulö borneo;
Habéh beurunatak tangkulak bangsa
Sidéh di Djawa Kartosuwirjo.

Musöb didalam antjam negara,
Musöb di luwa njang mat keumudoë;
Sabé dji antjam Indonesia :
Maté rakjat bha sidéh ngon sinoë.

Pulo Irian mantong Belanda,
Tanjöë meudakwa saré keudraë;
Meudéh ta muprang ngon musöb teuka;
Misé Belanda pendjadjah nanggroë.

Mangat meusampé tanjöë merdeka,
Reubot papua wahé samlakoë;
Bék lé gob djadjah Indonesia;
Tanoh njang kaja peutimang keudroë.

Musöb didalam wadjéb ta djaga,
Musöb di luwa wadjéb ta kiloë;
Supaja hasé tabangun kuta :
Wasé musara bék lé gob puwoë.

Ichlas haté wahé sjéedara,
Ta peumulia tanoh Atjeh-njoë ;
Masa goh maté sabé ta bilä :
Indonesia bék djeut keu pangphoë.

Dji beudoh ribot dilaöt raja,
Udjeun pih teuka ateuh glé djanthoë ;
Teungku Mat Daöd meureuböt kada :
Reuleih ngon kuta hantjö ngon naggroë.

Seungoeë meunasah dajah muara,
Habéh djibungka rakjat sinaroë ;
Alahu-Alah leupah seungsara :
Habéh binasa ureung lam nanggroe.

Siluröh Atjeh habéh lam bahja,
Beureuntak teuka rakjat njang rugoë ;
Sidjarah Atjeh taréh ka gura :
'Oh tan kuasa meu bagoë-bagoë.

Dji peugét D.I. anti negara,
Dji peuget negra didalam nanggroe ;
Habéh dji taki rakjat lam desa :
Dawök dji paksa geunap-nap uroë.

Sinoë di Atjeh grombolan lia,
Sidéh di Djawa Kartosuwirjo ;
Djinoë ka sahéh Atjeh binasa :
Rakjat kapa dum ruja-rajoë.

Njawong djisapéh habéh hareuta,
Hana lé daja rakjat sinaroë ;
Padum njang maté ka boh beudé ba ;
Padum njang tjeudra gaki ngon djaroë.

Teungku geupeulöt rakjat ngon teuntra,
Gobnjän sjeedara peuglah untöng droë ;
Teungku Mat Daöt suröt lam rimba :
Geukeubah kuta di aché dudoë.

Mundö teu-atö talö ngon kuta,
Keudéh lam rimba bandum djibeih droë ;
Nanggroë ka talö hantjô meuleu-aus
Ladöm uluwa peulheuh untöng droë.

Sampoë Beureuéh keudéh lam rimba,
Bantaj ngon tika ön naleung lakoë ;
Rakan dum kabéh teu-éh bak ngada :
Haté dji rugha ingat keu naggroë.

Dalam meuréb-réb alét ië mata,
Ingat keu kuta teu piké keudroë ;
Dilée dji hudép seunang han tara :
Djinoë ta rasa teungeut tjöng duroë.

Ingat keu keuradjeun mideun ngon kuta,
Djinoë lam rimba ka geudjak beih droë ;
Dalam meudjeunun djrön djruën ië mata :
Hantom geurasa dilée saboh roë.

Teuingat gampong geudöng njang raja,
Asaj péng riba dilée bak geubloë ;
Hana lé untöng di aché masa :
Tidjoh ië mata meu taloë-taloë.

Teuingat inong njang tjeudah rupa,
Saleh pakri ka sinjak tjut putroë ;
Teungku lam gunong ngon sirigala,
Djilét lé teuntra geunap nap uroë.

Lam gunong Tangsé meuraba-raba,
Lam glé keumala djeu peugét nanggroë ;
Rakjat pih ramé pa-é ngon boeë kra ;
Teungku keu Radja wahé samlakoë.

Surak meu ubö lutöng ngon boeë kra,
Djeu eu ulama kateuka keunoë ;
Hantom djikalon seureuban raja :
Teungku lam rimba ka gudjak beih droë.

Seunang that haté dum asoë rimba,
Djimeu péseuta malam ngon uroë ;
Djikhem boeë angén djitjong mangéh ta :
Djisurak boeëkra dji peuhing gigoë.

Dalam glé Tangsé saré djibungka,
Imum Peutuwa keupala Nanggroë ;
Njang iköt suröh patöh seutia :
Peuë2 njang sabda nibak gurée droë.

Sumpah kahabéh djandji setia,
Muprang ngon teuntra djilawan nanggroë ;
Djitém meupaké sisabé, bangsa :
Bak mita nama djawong dji publoë.

Kawöm Meureukas leupah djibungka,
Tuha ngon muda peulheuh untöng droë ;
Dilée digampöng djinoë lam rimba :
Katök bak masa meutjré ngon binoë.

Rakan sireutöh sadjan trös djiba,
Hasan Ali Djaksa Peudana Meuntroë ;
Teuma Bas Raden Husen peutuwa :
Sadjan trös geuba po raja gigoë.

T. Amin waki ngon Ali Djaksa,
Sabé meudakwa gobnjan dua droë ;
Sigeunab suntök dawök meudakwa ;
Meuseunoh kada peudana meuntroë.

Mudjahét Husén laén keunira,
U aloëë bangka kaém na geuwoë ;
Meugah na geutrén dalém peutuwa ;
Geudjak nging mata aneuk ngon binoë.

Husén Mudjahét ureunglét atra,
Tamang minjeuk Langsa gét that geu goë2 ;
Tango gah sakét Saéd Abu Baka ;
Djinoë geubungka uluwa nanggroë.

Di Hasan Saléh sahéh ka gura,
Djiplung bak teuntra adun ngon adoë ;
Harap di Atjeh leubéh kuasa ;
Hana dji kira laba ngon rugoë.

Maséng2 na peüë djimita,
Ladöm kuasa ladöm tjut putroë ;
Meunan keuh bandum ureung njang luba ;
Bak mita laba meuteumeung rugoë.

Pihak diteungku napsu that raja,
Beudjeut keu Radja tanoh Atjeh njoë ;
Barat ngon timu ladju lön buka ;
Bék djeut sjok sangka muda samlakoë.

Meugoh lom habéh peunjakét waba,
Mantong lam bahja tanoh Atjeh njoë ;
Sabe dji karu sabé dji göga ;
Lam rö2 masa sabé dji katjhö.

Binéh glé gapu timu tjot Bada,
Saléh pakri ka keudé krung Pandjoë ;
Geulanggang Labu-Leubu, Blang Kuta :
Glumpang Dua teupat bloë publoë.

Glumpang Pajöng gampong panglima,
Meureukas raja dilée di sinoë ;
Aché dji keupöng djibhöm lé teuntra :
Rumoh dji suwa djitöt keu tungoë.

Di Husen Jusuf han djan koeët idja,
Djilét lé teuntra djiplung 'oh tuloë ;
Bandum dalam glé saré dji guda :
Lam glé Peudada sinan djisom droë.

Gaki gunong Göh katrôs dji sapra,
Peusiblah njawa bék keunong taloë ;
Pidjut ngon tuböh boh ara :
Rakan njang djiba ka ruja rajoë.

Padum njang maté tan lé dji kira,
Padum njang tjeudra tan lé dji pakoë ;
Lam seuntök sabé ilé ië mata :
Ingat keu bala malam ngon uroë.

Dilée dum tjeubeuh bandum kreuh djugkha,
Dalam negara dji peugét nanggroë ;
Udjöb teu kabö tjit le binasa :
Meunan umpama teungkoe geutanjoë.

Meutadjö-tadjö meuleumba-lumba,
Bak mita nama geulinjung djidhoë ;
Meutadjö-tadjö meule-le raba :
Rampas hareuta rakjat lam nanggroë.

Djinoë ta ba-e tarö ië mata,
Keupuë lom guna tanjoë kaphang phoë;
Nanggroë ka talö hantjö ngon kuta;
Maté rakjat bha geunab-nab uroë.

Teungku Beureuëh habéh keunira,
Hana lé daja nibak masa njoë;
Keunoë ngon keudéh tentra djimita
Di aché masa tjit djiböh taloë.

Beuthat beu geuplung lam uteun rajara,
Beuthat lam rimba djinoë geusom droë;
dudoë meuteumeung ureung meureuka;
Kadang geusula gaki ngon djaroë.

'Oh djiboh taloë peuwoë u kuta,
Barö geukira laba ngon rugoë;
Geubajeuë utang lawan negara;
Geutubös dösa dalam glap beusöë.

Reudök meugantung udjeun han teuka,
Maté peunula didalam nanggroë;
Habeh teung bajeung grombolan lia;
Maté lam guha siseun-seun sidroë.

Djinoë dalam glé dilée dikuta,
Djinoë seungsara bandum sinaröë;
Seutia maté geumaseh papa;
Wasit bak madja entu geutanjoë.

Meunan tjit djinoë na sidroë dua,
Iköt seutia deungon gureé droë;
Njawong djimeukat asaj nama;
Djitém publoë ma lakoë ngon binoë.

Tuhan lhom kutök ka tök bak masa,
Kawöm durhaka djipubloë nanggroë ;
Bahlé geu kutök po datök tuha :
Bahlé geusula ureung tan budoë.

Allah jarabbi neubri beu sigra,
Beureuntak lia ridjang seuleusoë ;
Pang lima D.I. neubri meusingkla :
Mangat seuntösa tanoh Atjehnjoë.

Beuridjang maté po baché buta,
Neubri bahgia tanoh ië kamoë ;
Meunjo goh maté tangkulak bangsa :
Sabé lam bahja tanoh Atjeh njoë.

Ut öh that teungku bak peugah haba,
Indonesia geukeuneuk publoë ;
Djilakée bantu bak ureung luwa :
Djimeu peusiwa bandum geutanjoë.

Bak ureung kaphé lakée beulandja,
Mita seundjata peukaru nanggroë ;
Meunan bak lahé wahé sjéedara :
Grombolan lia durhaka kana soë siboë.

Ka lheu na djandji dalam rasia,
Djimeupeusiwa tanoh Atjeh njoë ;
Siasat D.I. keudji lagoë na :
Pulitek djiba miseuë go gadjoë.

Ohnoë risalah sipatah dua,
Haba prang Bangsa lön pijöh sinoë ;
Amin ja Allah sudah lah leungka :
Saleum sidjahtra waréh di Nanggroë.

T a m m a t .-

DOA SIPATAH (Keu Ajah Daod Tanase)

Batjut seumbahan rakan meutuwah,
Döa sipatah bak lön boh haté ;
Keu Ajah Daöd djarö lön tadah :
Lakée bak Allah Ilahon Adé.

Kruseumangat rachmat Potallah,
Ateuh aruwah 'jah Daöd Tangsé ;
Beuröh lam nékmat sjöfeu-at limpah :
Kubu beuluwah ureung ka maté.

Döa ta tjeumong meuhon bak Allah,
Sjuruga Djannah di uroë pagé ;
Sjuruga tinggi guntji beuteuhah :
Tuhan bri limpah nékmat bube-bé.

Allah dék pajöng tanglöng meutatah,
Kada bak Allah kadjeum teukeusé ;
Hamba njoë bandum, hukom Potallah :
Dudoë ngon bagah awaj ngon aché.

Kagrak teukeudi neubri lé Allah,
Katrök bak langkah D.I. poh maté ;
Keureuna D.I. djitaki Ajah :
Bék lé meunjeurah ureung dalam Glé.

Allahu rabbön Tuhan lön meugah,
Saléh peuë salah jah Daod Tangsé ;
Ureung pubut get-djeuheut djibalah :
Kawöm bédeu-ah paneuk that piké.

Djitém töb pintö njangka geupeuhah,
Teusia pajah ureung tung haté ;
Keubit ureung glé haté kapatah :
Tanlé djigundah rakjat katjébré.

Tanlé dji-ingat laknat bak Allah,
Harap droë meugah kuasa di glé ;
Ureung mureutat meuhah na balah :
Tuhan bri sôсах hudép ngon maté.

Tanlé djiingat aneuk deungon mbah,
Harap droë meugah bak gulam beudé ;
Saleh peue haba Banta Chairullah :
'Ohtanlé Ajah ék mangat haté ?

Waja Ilahi Pakri keuh ilah ;
Atjeh daérah ka hantjô reulé ;
Keureuna D.I. dji ungki Ka'bah :
Seuramoë Makkah djinoë ka tjajé.

Ohnoë sirangkôm dôa lôn keubah,
Akan aruwah 'ja Daöd Tangsé ;
Tuhan neukabuj dumpeuë pi mudah ;
Amin ja Allah, takeun beu saré.

Harissah

THUSNI SIAH .
Djalan Merdeka 17, Medan.

„ATJEH dan PERISTIWA“

oleh

H A R I S S A H

(Sjair dalam bahasa Atjeh)

Segera terbit buku "ATJEH dan PERISTIWA" djilid ke II, om-slag dua warna, kertas H.V.S. isinja, hangat, lebih hangat dari isi buku djilid pertama.

Pengarangnja mendjadi djaminan bagi pembatja.

Pesanlah dari sekarang djangan kehabisan, harganja Rp. 7,50 per buku tambah ongkos kirim : Pesan langsung pada pener-bitnja.

Pesan banjak Korting 20%.

THUSNI SJAH

Djalan Merdeka 17, Medan.



Ditjetak pada Pertj. Kaproco Medan. Isinja diluar tanggungan pentjetak,